

經

大方廣總持寶光明經之五上

卷一

力

C40
4514
89



7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

大方廣總持寶光明經卷第一
宋西天中印度摩伽陀國三藏傳教大師法天奉 詔譯
如是我聞一時世尊在王舍城鷲峯山中與大比丘
衆百千人俱圓滿一切白法大師子吼智慧無量得
大善利并諸菩薩摩訶薩衆其名曰普賢菩薩摩訶
薩寶印手菩薩摩訶薩常現菩薩摩訶薩功德莊嚴
菩薩摩訶薩福德音菩薩摩訶薩大慧菩薩摩訶薩
德嚴菩薩摩訶薩金剛慧菩薩摩訶薩金剛藏菩薩
摩訶薩金剛光菩薩摩訶薩金剛器仗菩薩摩訶薩
妙金剛菩薩摩訶薩持地菩薩摩訶薩現一切法苦



C40-4514



B 64853

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

薩摩訶薩觀自在菩薩摩訶薩得大勢至言薩摩訶
薩堅牢慧菩薩摩訶薩金剛吉祥菩薩摩訶薩金剛
手菩薩摩訶薩妙吉祥菩薩摩訶薩滅惡趣菩薩摩訶
訶薩除一切煩惱慧菩薩摩訶薩安詳步菩薩摩訶
薩離取捨菩薩摩訶薩栴檀香菩薩摩訶薩安詳步菩薩摩訶
薩摩訶薩難勝菩薩摩訶薩寶勝菩薩摩訶薩慧行
菩薩摩訶薩辯積菩薩摩訶薩妙香菩薩摩訶薩慈
氏菩薩摩訶薩如是等無量菩薩摩訶薩皆住不可思
議解脫勇猛三摩地門亦得不空無量音聲故觀
一切音聲諸佛刹土寂然憺怕壽命無量得大名稱

三界無著亦無破壞一切智者而爲眷屬出生無量
諸三摩地三摩鉢底能滿衆願皆悉到於般若波羅
蜜多故獲得不空身語意業得住一切智智無量行
願了達空無相無願解脫法門如是等諸大菩薩衆
皆來會坐爾時普賢菩薩摩訶薩於衆會中從座而
起頂禮佛足而白佛言世尊法界應云何知佛言善
男子此法界無信無能知者何以故善男子由如虛
空離諸戲論非離戲論非取非捨非性非無性亦無
處所善男子是故法界應如是知爾時普賢菩薩復
白佛言世尊法界應云何住佛言善男子處所尚無

7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

況復有住善男子此法界不可思不可議無自性無能了知善男子彼法界性不可知不可見普賢菩薩復白佛言世尊菩提者爲有幾何佛言善男子菩提有無量相不可測量普賢菩薩言世尊法界復云何分別佛言善男子法界本無分別普賢菩薩言世尊若法界不可分別者云何凡夫衆生而能解了佛言善男子有分別者卽是一切愚迷衆生於無分別而生分別普賢菩薩白佛言世尊如來菩提如是甚深微妙難解佛言善男子如是如是如汝所說佛復告言善男子菩提者卽一切法也離諸戲論是故無有

分別時彼衆中妙吉祥童子亦在會坐從座而起頂禮佛足白佛言世尊願爲我等說此寶光明總持法門佛言善男子汝今問彼一切法海辯才菩薩摩訶薩彼爲汝說於是妙吉祥童子在如來前合十指爪掌白佛言世尊如來是一切智者一切見者云何不說佛言善男子爲有如是大菩薩摩訶薩以是義故如來不說妙吉祥言唯然世尊如來何故不自說耶棄捨我等佛言善男子吾非棄捨有情界故善男子爲欲顯示彼菩薩摩訶薩所說校量不可思議故時妙吉祥童子復白佛言世尊唯願如來大慈無量爲

我說是寶光明總持法門佛言善男子汝今問此普賢菩薩摩訶薩必當爲汝說此法門善男子當知此菩薩摩訶薩智慧無量妙吉祥言如來若令我問彼普賢菩薩摩訶薩我今當問佛言妙吉祥汝自己得微塵等三摩地門何故問於如來妙吉祥言世尊我非但一佛所說之法乃至一切如來所說真如實性我能憶持不忘由如今日佛言善哉善哉善男子汝今善說佛言妙吉祥汝當問此普賢菩薩摩訶薩總持法門時妙吉祥童子白佛言世尊此普賢菩薩摩訶薩深達實相大乘法行佛言善男子汝等皆是自在法王之子豈得異乎善男子汝福德無量了達空法得不可思議解脫三摩地門于時妙吉祥童子承佛聖旨在普賢菩薩摩訶薩前合十指爪掌一心恭敬白普賢菩薩摩訶薩言佛子願爲我說二字法門時普賢菩薩言善男子汝今所問二字者何是時妙吉祥童子白普賢菩薩言佛子覺與覺者二字爲何等相普賢菩薩言佛子覺本無相無性不可思議無有等等離諸戲論非離戲論非言議之所能及善男子是故諸佛覺性如是妙吉祥言佛子若佛法非戲論者云何佛法作如是說普賢菩薩告妙吉祥言佛

子離言說故作如是說妙吉祥言佛子云何離言說
普賢菩薩言妙吉祥智離言說妙吉祥言佛子智云
何知普賢菩薩言妙吉祥謂智無性智非無性妙吉
祥言佛子云何智無性智非無性應云何說三乘法
普賢菩薩言妙吉祥法界離染云何有說妙吉祥言
云何一切法此亦無性云何說如來性無漏五蘊性
不可得故妙吉祥言云何菩提有戲論耶普賢菩薩
言佛子菩提無有戲論非離戲論此菩提有戲論非
戲論者非言非說也是時世尊讚普賢菩薩摩訶薩
言善哉善哉善男子如汝所說是不可思議法門幽
邃深遠是真實言天上人間無能解了時妙吉祥童
子白佛言世尊一切法不可知不可見無法可說佛
言善男子如是如是時普賢菩薩摩訶薩復白佛言
世尊今此清淨法門難解難知佛言善男子如是如
是是時海慧菩薩白佛言世尊此普賢菩薩善說如
是清淨法門佛言善男子如是如是復次善男子一
切諸法清淨若此澍大法雨是時平等寂靜婆羅大
娑羅子白佛言世尊此不可思議平等菩提離文字
相不可見離諸色相佛言善男子如是如是法界性
離泯絕諸相是時妙吉祥童子白佛言世尊空云何

相爲聲爲色爲是相好佛言妙吉祥空離聲色離諸
言說非離言說善男子法性如是空離文字故說空
又離言故說空善男子空者一切法法之自性故是
時長老舍利弗白佛言世尊如來觀此得大變現不
可思議解脫菩薩耶佛告長老舍利弗言此阿羅漢
智慧與初發心菩薩智慧甚遠何況此菩薩故所以
者何初發心菩薩當得成佛阿羅漢終不能得是時
一切法自在王菩薩白佛言世尊如佛所說我悉了
知此聲聞應不得聲聞法佛言善男子此聲聞非不
得聲聞法復次善男子若聲聞與菩薩對論智慧有

殊是故所不能及是時妙吉祥白佛言世尊如來云
何說此舍利弗得智慧第一佛告妙吉祥如我所說
實無所得是時妙吉祥童子語長老舍利弗言長老
汝云何得聲聞法舍利弗言我不任妙吉祥言汝
豈非凡夫不也善男子妙吉祥言舍利弗汝應云
何學舍利弗言我無所學妙吉祥言云何得智慧第
一舍利弗言我亦不任妙吉祥復語長老舍利弗言
汝既非凡夫又非智慧第一爲是何人舍利弗言善
男子我亦不知汝智慧無量由如巨海是故我今非
汝對論妙吉祥言長老舍利弗莫作是說汝自者年

宿德何故謙讓舍利弗言善男子我雖耆年無德無證復次善男子譬如一切差別萬法由如巨嶽金剛一擊殞碎如塵善男子汝亦如是於一毛孔所有智慧量等微塵數一切衆生皆悉如我亦所不及善男子況我一人乎是故我今亦所不任善男子如大惡象其身偉大氣力便多人用其鈞而能制伏我亦如是善男子所以者何汝有大智力我力怯弱善男子汝等同於大龍云何我力與仁者敵長老舍利弗白佛言世尊如生盲人欲往他州在道路中決定不能見彼城邑云何而能周遍遊歷善男子此亦如是我

對仁者如彼盲人我今亦爾佛道懸曠由來甚遠當云何知佛告舍利弗勿作是說如來威德能令一切衆生暫歷耳根尚得此法舍利弗況汝已得此不可思議三摩地故是時世尊說是法時天上人間有九萬二千衆生皆得是法是時法慧菩薩承佛威神卽入三昧名菩薩無邊相應寶光明三摩地于時法慧菩薩卽便入於十方十千佛刹微塵等世界於一方各各有十千佛刹微塵等諸佛世尊皆現在前時彼諸佛世尊語法慧菩薩言一方如是十方亦然彼佛世尊讚言善哉善哉法慧汝能入此菩薩無邊相

應三摩地故復次善男子是時於一一方有此一切十方十千佛刹微塵等如來位彼如是等一切如來皆同一號皆是世尊毗盧遮那如來最初威德本願力故得大善利乃至轉大法輪彼如是等諸佛同說偈言

佛智本清淨 普周於法界 及觀衆生界
偏入無礙智 無等相應門 善一切言語
速得一切智 圓滿於諸法 三世智皆圓
善說如是法

善男子汝今以佛威神力故說此菩薩十住法門是

時彼佛世尊各以無礙智往照法慧菩薩復得如是三摩地門所謂無礙無斷不空法不空智無漏無際無盡無來無去無邊本性無著得如是等三摩地門是時彼佛世尊各伸右手摩法慧菩薩頂彼佛世尊摩菩薩頂已卽時法慧菩薩從三摩地起告諸菩薩言佛子菩薩族類廣大無量周徧法界虛空界佛子菩薩摩訶薩於過去如來族中已生現在如來族中今生未來如來族中當生是時彼諸菩薩摩訶薩告法慧菩薩言佛子如汝所說彼菩薩摩訶薩云何得過去現在未來諸如來族中生復云何說彼菩薩得

菩薩住故彼諸菩薩摩訶薩告法慧菩薩言佛子善哉願爲我等說此菩薩十住法門彼過去佛已說現在佛今說未來佛當說佛子云何說菩薩十住法行所謂一發心住二治地住三相應住四生貴住五方便具足住六正心住七不退住八童真住九王子住十灌頂住佛子是爲菩薩十住法行此過去未來現在三世諸佛世尊已說今說當說佛子云何彼菩薩發心住謂此菩薩得覩諸佛世尊色相巍巍殊特妙好廣大無比說法廣大化衆生廣大見如是等廣大變現又聞廣大法故得未曾有復見如是苦惱衆生

是故菩薩發阿耨多羅三藐三菩提心爲求如來一切智一切相智是故名爲初發心住又學如是十力何等爲十謂一處非處智力二過現未來福業報智力三禪定解脫三昧智力四至一切處道智力五無數種種界智力六無數種種勝解智力七根勝劣智力八宿住憶念智力九天眼智力十無漏智力佛子此初發心菩薩應學此十住力故彼初發心菩薩於一切時恭敬供養諸如來故彼菩薩安住稱讚故爲世間最上第一世主故求佛無量最上智慧故爲求寂靜相應三摩地故遠離輪迴故轉正法輪故救度

一切苦惱衆生故何以故爲真實法發心故聽受親近離諸散亂相續不斷故佛子是故名爲菩薩初發心住佛子復云何名菩薩治地住佛子此治地住菩薩爲諸衆生先發十種心何等爲十謂信心念心精進心慧心願心戒心護法心捨心定心迴向心佛子此治地住菩薩復發如是十種心故佛子此治地住菩薩常念多聞相續不斷常樂奉事善知識故供承親近於一切時能覺察故發言謙敬故求堅固無畏智故發趣菩提智故志求寂靜勇猛智故志求妙法離諸虛假故心不迷惑何以故謂發如是誠實心求

一切佛法故乃至隨方有聖法處躬自往彼聽受親近離諸散亂相續不斷未曾暫捨佛子是故名菩薩治地住佛子復云何名菩薩相應住佛子此相應住菩薩有十所觀求一切法何等爲十謂求一切無上法故遠離一切憂苦故觀法無自性故空無體相故一切法無有常故一切法不可度量故離諸疑惑故不可改變故非有非無故非取非捨故佛子相應住菩薩復觀一切衆生界平等法界平等世界平等世界平等水界火界風界虛空界欲界色界無色界如是諸界悉皆平等何以故謂如是一切法自性平等

習故觀諸佛法如是平等是故得過去際未來際現在際於此三際皆得值遇如是修習憶持不忘一切佛法慇懃恭敬復觀過去佛法學平等增長故未來佛法亦如是學平等增長故觀現佛法亦如是學平等增長故佛子此生貴住菩薩如是觀察趣向一切佛法普皆平等增長修習故何以故謂三世平等最勝真實住無虛假故乃至聞彼他方有如是法親自往詣勤求精進心不散亂念念相續無有間斷佛子是故此名菩薩生貴住佛子復云何名菩薩方便具足住佛子此方便具足住菩薩觀於無量無邊無數

故爲求勝法往詣十方於諸佛前親近聽受離諸散亂念念相續無有間斷佛子是故名菩薩相應住佛子復云何名菩薩生貴住得生十種圓滿淨業解聖言說故何等爲十謂此菩薩有所說法衆必崇受漸漸增長堅固不退了達諸法觀諸世間無壞滅故觀一切業性離妄想故觀諸果報無取捨故觀於輪迴菩薩得是十種圓滿淨業解聖言說故復言佛子生貴住菩薩觀過去佛法平等恒時憶念相續不斷故觀未來佛法平等願當學故觀現在佛法平等勤修

阿僧祇不可思議無等衆生界由如虛空不生不滅自性清淨同真際等法性如是觀察一切衆生是名菩薩方便具足住佛子此方便具足住菩薩有十種事所修善業皆爲方便利樂一切衆生故謂令一切衆生於無上道心不退轉故愛樂一切衆生不捨離故饒益安樂一切衆生故悲愍一切衆生故欲令一切衆生皆得不可思議解脫道故洗滌一切衆生業垢故攝伏一切衆生故欲令一切衆生歡喜無厭故以諸方便引導一切衆生故欲令一切衆生究竟涅槃寂滅樂故佛子此方便具足住菩薩如是乃至聞彼他方說如是法親自往詣勤求修習心不散亂念念相續無有間斷佛子是名菩薩方便具足住佛子復云何名菩薩正心住佛子此正心住菩薩有十種法應當樂聞勤求志意於佛法中得正心住佛子何等爲十謂說佛有色無色於佛法中得正心住說法有色無色於佛法中得正心住說菩薩所行之行有色無色於佛法中得正心住如是乃至說此衆生界大生衆生界有煩惱衆生界無煩惱衆生界易化衆生界難化衆生界乃至大法界出生法界有色世界無色世界有法世界無法世界佛子此正心住菩

薩如是乃至於佛法中聞此法是爲菩薩得正心生
佛子此正心住菩薩復聞此十種法故入理勤求乃
至聞於一切無上法亦皆修學何等爲十謂無相無
性無實無染遠離無著無自性如幻如夢離諸疑惑
聞如是一切法故應勤修習何以故爲此正心住菩
薩入於真實法門故如是乃至聞彼他方說如是法
親自往詣勤求修習心不散亂念念相續無有間斷
佛子是名菩薩正心住佛子復云何名菩薩不退住
佛子此不退住菩薩聞十無著法於佛法中心不退
轉故何等爲十謂聞非有佛非無佛此菩薩於佛法
中心不退轉故非有法非無法於佛法中心不退轉
故非有菩薩非無菩薩於佛法中心不退轉故非取
菩薩非不取菩薩非離菩薩行非不離菩薩行菩薩
非出生非不出生於佛法中心不退轉故過去諸佛
非去非不去未來諸佛非來非不來現在諸佛非住
非不住如是三世諸佛智慧平等一相無相非盡非
不盡離諸瑩礙此菩薩聞如是法故非佛法中心不
退轉故佛子如是名菩薩不退住佛子此不退住菩
薩復聞十種法而能修習何等爲十謂聞一多衆生
於一切法精勤修習故此勝義諦爲一多緣起爲勝

義諦故卽性卽無性卽相卽無相卽有色卽無色離
諸相好心得決定慇懃修習何以故謂聞如是一切
諸法因果該徹通達無礙真實法故成熟解了如是
乃至聞彼他方說如是法親自往詣勤求修習心不
散亂念念相續無有間斷佛子是故此名菩薩不退
住佛子復云何名菩薩童真住佛子此童真住菩薩
得十種法何等爲十謂得身業清淨口業清淨意業
清淨得察一切衆生起心動念彼諸衆生凡所施爲
悉能了知能知衆生如是解脫能知種種衆生界種
種法界種種世界及地界水界火界風界虛空界欲
界色界無色界如是諸界悉能了知神通奮迅隨念
而至佛子如是名菩薩童真住佛子此童真住菩薩
復聞十種法而能修習何等爲十謂聞一佛刹智震
動一切佛刹觀一切佛刹訪尋一切佛刹遊行一切
佛刹往詣阿僧祇世界問阿僧祇義趣遠離種種自
性差別發一念心而能周徧阿僧祇佛刹聽聞修習
故何以故謂聞如是真實法故成熟解了第一義故
如是乃至聞彼他方說如是法親自往詣勤求修習
心不散亂念念相續無有間斷佛子是故此名菩薩
童真住佛子復云何名菩薩法王子住佛子此法王

子住菩薩有十種法皆能了知何等爲十謂能知一切衆生所生之處能知一切衆生煩惱能知一切衆生戀著能知一切衆生方所能知諸佛深妙法故能知諸佛方便真實性故能知世界種種差別法故能知過去未來現在三世諸佛智慧故能知一切世間廣大不堅牢法故能知真性如如湛然寂靜故佛子是故此名菩薩法王子住佛子此法王子住菩薩復有十種法應勤修習何等爲十謂善學一切王城種種作用故善一切王城禮樂故善一切王城安住故善入一切王城故善能自在遍遊歷一切王城故住

法王灌頂故住法王觀察故得法王自在力故繼紹法王位故得住法王辯說故何以故謂修習一切無礙真實法故如是乃至聞彼他方說如是法親自往詣勤求修習心不散亂念念相續無有間斷佛子是名菩薩法王子住佛子復云何名菩薩灌頂住此菩薩得十種神通何等爲十謂能令阿僧祇世界種種動搖故能照曜種種阿僧祇世界故能觀察種種阿僧祇世界故能於種種阿僧祇世界同時一心修習故能於阿僧祇世界成就種種善業故能於阿僧祇世界種種衆生差別心同時能知故能於阿僧祇世

界一一衆生種種心行能一時行故能於阿僧祇世界一一衆生有種種根器同時能解了故能教化阿僧祇世界種種衆生故能徧知阿僧祇一切衆生心所作用故復次善男子此灌頂住菩薩潛行密用施爲佛事無人能知所以者何謂身業不能知口業不能知意業不能知變現不能知觀察種種變化不能知觀過去所行之行不能知於剎那頃所行之行皆不能知觀智慧不能知心意不能知一切智用不能知佛子此灌頂住地菩薩乃至法王子位菩薩終不能知故佛子灌頂位菩薩復聞佛世尊十住何等爲名菩薩灌頂住

大方廣總持寶光明經卷第一
歸依佛五字依梵文譯爲五頌

不生亦不滅 無相復無爲 衆聖所歸依
是故名曩宇
曩

謨

大總持應現

微妙最自在

彌滿於世間

是故名謨字

沒

隨意之所欲

利他最第一

安樂諸衆生

是故名沒字

馱

無上福田因

能淨諸業障

衆生實際地

是故名馱字

野

是故名野字

真如智大智

字中無所依

諸聖究竟理

音釋

憺怕

憺徒溫切
憺怕安靜也

遼

深遠也

偉

羽鬼切
偉偉也

奮

迅思晉切

戀

龍春切
慕也

吳江居士周麟趾捐貲刻此大方廣總持寶光明經卷第一

百個該銀三兩一錢五分伏願

計字六千三

佛如來慧燈永照法輪恒轉超度亡母錢氏脫離苦海早登蓮界

崇禎五年孟春月徑山化城寺識

對

卷之二

大方廣總持寶光明經卷第二

宋西天中印度摩伽陀國三藏傳教大師法天奉

詔譯

爾時法慧菩薩摩訶薩爲諸菩薩說是菩薩十住法

已于時十方以佛神力於一一方各有十千佛刹微

塵等世界一一佛刹微塵等世界地皆六種震動所謂動偏動等偏動震偏震等偏震擊偏擊等偏擊涌

偏涌等偏涌吼偏吼等偏吼起偏起等偏起是時以佛神力復雨種種天華雲種種天香雲種種天塗香雲種種天鬘雲種種天珠香雲種種天衣雲種種天傘蓋雲種種天寶雲種種天妙蓮華雲種種天諸瓔

齒聖空竟墅

真如智大智

寧中興大士

音釋

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

珞雲種種天莊嚴雲如是等種種供養雲周帀徧雨
復有種種天妙音樂於虛空中不鼓自鳴出大音聲
光明晃曜徧四大洲妙高鐵圍周徧十方普皆供養
是時法慧菩薩說是法時一切十方世界同時亦說
此十住法故乃至文字句義不增不減皆悉同等復
以佛威神力故於一一千佛刹微塵等世界各有
有十千佛刹微塵等菩薩從於十方雲集而來告法
慧菩薩言佛子善哉善哉佛子如汝所說菩薩十住
法佛子與我名同說法亦同如是等一切同名法慧
菩薩從彼十方一切如來所而來至此彼法雲世界

以佛威德於一切處同時轉此法輪如是種種性相
文字句義不增不減佛子于時衆會以佛威德皆見
彼衆而來詣此如我到此世界亦復如是於一切十
方世界一切四大洲妙高山頂帝釋宮中十千佛刹
微塵等菩薩亦同來集是時法慧菩薩承佛威力觀察
十方法界衆會欲重宣此義而說偈言

見諸如來清淨智 魏巍變化力如是

十力功德衆莊嚴 是故發此菩提心

見此種種神通力 說法利益諸羣生

復見輪迴諸苦惱 是故發此菩提心

於此普賢如來前 得聞一切功德海
由如虛空無有相 是故發此菩提心
一切住處及所生 一一性行皆明了
各各差別性智求 是故發此菩提心
是時過去及現在 乃至未來衆善惡
爲求此智善修習 是故發此菩提心
禪定解脫及三昧 等持清淨悉皆然
爲求此智恭敬彼 是故發此菩提心
能徧世間諸根力 如如湛淨皆同等
爲求此智彼義學 是故發此菩提心
菩提解脫徧世間 其中各有種種意
爲求此智無數論 是故發此菩提心
種種無數三界中 於中復有種種界
界之自性智應求 是故發此菩提心
徧詣一切求此法 如是依止得安樂
自性真實解了知 是故發此菩提心
一切刹中而出生 由如衆生依地有
無數智眼同此求 是故發此菩提心
過去現在及未來 若干衆生何性相
如是過去事皆知 是故發此菩提心

積聚衆生滿世間 乃至一一徧親近
如是煩惱盡能知 是故發此菩提心
三界智慧彼皆知 無盡法門能解了
爲求如是真實智 是故發此菩提心
一切諸法無依倚 本性如空亦無著
爲求勝義真實知 是故發此菩提心
能動佛刹微塵數 亦令江海涌沸騰
爲求如來如是智 是故發此菩提心
普放光明照十方 一一光明從口出
爲求彼智一光明 是故發此菩提心

不可思議種種刹 飲食供給珍玩具
我願亦具如彼智 是故發此菩提心
一切衆生及佛刹 能令遠離傷殺生
爲求此法壽延長 是故發此菩提心
假使大海所有水 一毛滴數盡能知
如是此智願當求 是故發此菩提心
十方所有一切刹 一一刹中微塵數
如是此智要盡知 是故發此菩提心
過去及與未來劫 現在一切諸世間
如是劫數要盡知 是故發此菩提心

三世一切諸如來 及以聲聞辟支佛
法之自性悉皆知 是故發此菩提心
無量無數諸世界 一毛端中盡稱量
性之自性悉能知 是故發此菩提心
不可思議輪圍界 不可思議輪圍界
爲此廣大微妙知 一毛端量盡能秤
無量無數諸世間 是故發此菩提心
爲求此智清淨聲 一刹那間聲周徧
一切世間諸語言 是故發此菩提心
爲此自性真實知 一字演說盡無餘
是故發此菩提心

無數化導三界中 一切衆生悉皆衛
爲求辯說廣大舌 是故發此菩提心
如說一切諸佛刹 一刹那中悉能見
爲求說法無礙智 是故發此菩提心
如來所有一切刹 一刹那中皆周徧
如此佛法真實知 是故發此菩提心
無數微塵等世界 皆從自性而出生
爲求如是種種智 是故發此菩提心
過去及與未來佛 乃至現在諸世間
一剎那中心盡知 是故發此菩提心

一句所說不思議 如是劫盡彼無盡
爲求如是語言知 是故發此菩提心
八方一切諸世間 如是相續不斷絕
爲此自性心了知 是故發此菩提心
所有身口意三業 作彼十方一切行
因此能解三世空 是故發此菩提心
菩提心發應如是 懇懃最上奉諸佛
十方無數劫盡行 是故尊重心不退
乃至世間一切尊 八方各各皆周徧
如是彼佛皆說法 一一尊重心不退

若一菩薩獲安樂 行彼行故免輪迴
能作世間圓滿相 是故此尊心不退
最上妙法最殊特 甚深難解離言說
彼諸菩薩妙敷揚 爲敬彼尊心不退
世間不動及住處 如是難得甚希有
演說清淨妙法音 是故此尊心不退
得生一切如來中 無我無人離憍慢
爲求此法常在前 是故慇懃心不退
無數無等阿僧祇 得諸如來三摩地
行彼菩薩如是行 是故慇懃心不退

乃至究竟三摩地 超生彼岸解了知
如是說彼諸佛法 是故此尊心不退
遠離輪迴三界中 轉於如是妙法輪
於諸世間常無間 菩薩應當如是說
一切世間諸苦惱 如是濁惡災難中
憐愍一切諸有情 是故菩薩應當說
菩薩最初說此法 因茲發起菩提心
持戒說法無有時 是故名爲發心住
是時菩薩治地住 最初降伏如是心
安樂利益於世間 如佛遠離老病死

信心念心及精進 慧心願心并持戒
護法捨離無去來 決定迴向諸含識
若以住彼如是心 讀誦受持大乘典
遠離喧囂居閑靜 訪尋一切親善友
善言親近善知識 勤求如是真實智
了達一切諸語言 勝義諦理亦如是
曉了如來勝義已 離諸顛倒無疑惑
如是平等湛然安 是名說法真佛子
治地住中如是得 善能觀察諸菩薩
演說妙法奉諸佛 是故佛子應當學

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

復次菩薩第三住 法王教中求佛行
苦空無常悉了知 一切自性無來去
諸法本寂離自性 明了通達決定心
住此一切無有惑 佛子應當如是說
爲知一切衆生界 及闡一切諸法界
如是世界悉盡知 是故名爲相應行
地界水界及火界 如是風界虛空界
欲界色界無色界 是諸世界悉盡知
乃至差別諸世界 悉見法界自性體
如是廣大智慧等 勇猛精進求佛智

是時菩薩生貴住 出家生諸如來中
有性無性心決定 所生之處常正見
此地菩薩無退轉 爲求佛道心無厭
於一切法恒修習 觀諸衆生如自性
世間衆罪如塵剝 遠離輪迴諸果報
佛子善能分別生 菩薩悉令離衰老
過去現在及未來 一切法智皆明了
宿殖善友悉同生 如佛出世亦復爾
一切如來殊妙好 入彼三世平等意
能作如是上妙生 超越三世種種行

此名第四菩薩住 彼能稱讚此妙色
是法悉能解了知 覺彼菩薩如是生
此後菩薩稱第五 說名方便具足住
種種方便化羣生 樂求福業偏往詣
所作如是廣大福 令諸衆生皆解脫
盡心廻向悉獲安 憐愍有情令離繫
世間患難皆救濟 摄伏令彼生歡喜
各各引導諸衆生 得大涅槃心寂靜
無邊一切諸世間 如是無量無有數
過諸稱量無等倫 非性非相非究竟

此爲菩薩第五住 具足方便化羣生
彼佛如是妙圓明 示現一切諸功德
無邊一切諸衆生 觀法自性無迷惑
疑網有無智了知 天上人間能堅固
於佛於法菩薩中 於是廣大諸衆生
煩惱衆生使清淨 常行妙行離諸色
法界或廣略敷揚 聽聞演說方便法
法界體性非有無 易化難化悉調伏
觀察一切心無動 非來非去絕諸相
如是專注於佛法 菩薩三世樂聽受

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經

泯絕性相孰有無

本性離染我亦爾

曉了劫性如幻夢

爲聞如是上妙法

不退菩薩應如是

於佛於法菩薩中

并觀行相爲有無

不退非有亦非無

如來非去非有住

亦無來與非不來

生與不生盡不盡

有相無相非一異

種種衆多彼如一

勝義諦理離有無

各各差別衆寶嚴

菩薩於彼心不退

真如妙相非有無

以無相智能解了

如是差別往集會

一一天上悉聽聞

復次菩薩童真住

身口意業悉清淨

施作佛事無有著

是故隨意所生得

皆從衆生行法生

遊行見彼諸刹土

智慧速疾隨意得

十方慇懃恭敬禮

菩薩於此無異心

聞佛演暢微妙法

能知刹土悉動搖

如是盡知無有餘

演說遊行於佛刹

刹那徧詣阿僧祇

隨問演說無數義

自性差別性亦然

方便音聲能照察

無數佛刹一念中

復說菩薩王子住

密行衆生非測量

煩惱障閉妄想除 事理相應方便說
種種妙行悉能行 分別世間過未來
真俗二諦能了知 諦求如是微妙法
若能方便入王城 如是徧遊悉周匝
於彼往還能自在 所有王城能照察
由如灌頂王妙法 如是威德力亦然
入彼王城善演說 是故此爲王子住
此能隨順諸衆生 如佛所化亦如是
調御出興悉同然 得佛安隱住王子
佛子菩薩灌頂住 處長最上能利他

一毛滴水爲校量 思惟校計莫能測
如是行於諸佛法 由若一切微塵刹
衆生莫測塵可知 是故無數應是說
一切如來及菩薩 幷與過去未來佛
若以現在十方中 乃至聲聞辟支佛
從種發生菩提心 如是此數莫能測
功德數量莫能知 最初一念菩提心
如是世界化羣生 無能超越過於彼
是時普賢菩薩摩訶薩告法慧菩薩言善男子善哉
善哉汝今善說此寶光總持法門復次善男子彼諸

衆生當得愛樂不可思議諸佛功德一切智慧善男子若有衆生但聞此寶光總持正法名號不須受持讀誦一心恭敬究竟決定得證佛果時法慧菩薩言佛子如是如是如汝所說昔賢菩薩言佛子彼等已得如來灌頂甚深智慧若有善男子善女人至此會中得聞如是法者或有衆生手持是經者是諸衆生於佛法中皆得授記是時長老舍利弗從座而起頂禮佛足而白佛言世尊我等今者如生盲人從昔已來未曾見聞如是正法世尊非但我故若諸衆生不聞此法彼如是等一切衆生亦如生盲佛言長老如是如是如汝所說舍利弗卽白佛言唯願說此不可思議甚深法故佛言舍利弗汝當往詣命彼梵王帝釋護世諸天同來此會如來勅語舍利弗此最勝法印寶光總持之法於彼道場衆會而說是時尊者舍利弗受佛教勅爲問此寶光總持法門承佛聖旨往彼梵王帝釋護世諸天到已作如是言寶光道場佛待汝來同時聽受此如是法今正是時如來將說此寶光總持不可思議法故汝等速集勿過此時甚難得值後必追悔如是最勝法寶世間難得甚爲希有時彼諸天聞是說已卽運神通於剎那頃梵王帝釋

護世諸天皆來集會到世尊所右達三帀合掌恭敬
卽於佛前勸請世尊唯願如來哀愍我等及末法衆
生說此寶光總持法門于時世尊默然不答時諸天
衆梵王帝釋護世諸天如是三白愍懃勸請世尊默
然是時尊者舍利弗白世尊言唯願如來說此寶光
明總持法故復言善逝唯願說之是時世尊卽於舌
根從口而出種種音聲徧於三千大千世界同時得
聞若有善男子爲此寶光總持法故請於如來是諸
衆生皆得不退轉於阿耨多羅三藐三菩提是時世
尊復語尊者舍利弗言尊者舍利弗汝當往詣請妙
吉祥童子說如是法時妙吉祥童子在於異處鉢櫛
二又娑羅樹下端身正念結跏趺坐過於百千萬俱
胝那庾多日月光明住大寶莊嚴樓閣中梵王帝釋
護世諸天圍遶恭敬身皆金色吉祥莊嚴光明照耀
是時尊者舍利弗奉佛教命往詣妙吉祥童子所到
已卽白妙吉祥言善男子如來請汝爲於我等說此
寶光總持法故于時妙吉祥童子語尊者舍利弗言
此如來者爲何等義舍利弗言善男子汝智慧深遠
我非汝曹是故不任與汝論議妙吉祥言止舍利弗
汝甚愚癡汝若樂聞我當爲說舍利弗言善男子我

今樂聞惟願仁者廣爲我說是時妙吉祥童子說是
語時卽時三千大千世界乃至清淨天宮及諸天衆
上至阿迦膩吒天衆下至四大天王并諸眷屬無數
俱胝大藥叉將諸梵天王及天帝釋護世諸天并諸
天女各各樂聞如是大法皆來集會及諸比丘比丘
尼優婆塞優婆夷并餘三十三天夜摩天覩史陀天
化樂天他化自在天大梵天王阿迦膩吒天如是諸
天衆等皆來集會復有諸大聲聞衆其名曰尊者須
菩提尊者摩訶迦葉尊者大目乾連尊者舍利弗尊
者摩訶迦旃延尊者阿顰嚕駄尊者詣耶迦葉尊者
摩訶迦旃延尊者阿難陀如是等諸大聲聞衆及耶輸陀羅五
百比丘尼等皆悉來集復有轉輪王及諸小王刹帝
利婆羅門長者居士皆來集會是時尊者舍利弗達
佛三匝而作是言世尊何因何緣卽於今日如是大
衆皆悉雲集云何當知佛言尊者舍利弗是寶光總
持法威德力故舍利弗言世尊此寶光總持法門我
今樂聞佛言尊者舍利弗汝當往詣請彼妙吉祥童

子普賢菩薩此二大士必爲汝說是時尊者舍利弗白妙吉祥童子言善男子汝今當說此寶光三摩地微妙法寶妙吉祥言尊者舍利弗汝等今者爲欲聞此寶光總持法故舍利弗言今此四衆梵王帝釋護世諸天爲聽是法故來至此于時妙吉祥卽告長老舍利弗作如是言舍利弗此法祕要不可視聽如幻如化云何當說說聽是誰舍利弗言善男子汝今當說我欲樂聞妙吉祥問尊者舍利弗此說當云何言答言妙吉祥空作是說妙吉祥又問舍利弗空云何說答言妙吉祥空離言說妙吉祥言尊者舍利弗此

空若離言說我云何說尊者舍利弗旣一切諸法皆離言說若是說誰能聽受長老舍利弗言善男子彼一切法皆離文字語言故作如是說是故說空無相無願非取非捨非異非不異非離戲論非不離戲論是時妙吉祥童子尊者舍利弗說是法時彼諸菩薩及於梵王帝釋護世諸天心大歡喜同聲讚言善哉善男子善說此寶光總持法故是時尊者須菩提白妙吉祥童子言善男子菩薩摩訶薩云何受持讀誦爲他解說此寶光總持法故妙吉祥言須菩提此總持法無生清淨如理受持離性離相非離言說非

取非捨此法應如是受持爲他解說妙吉祥童子說
是法時有九十二菩薩皆得勇猛三摩地復有人天
六十二衆生得無生法忍爾時普賢菩薩摩訶薩從
座而起偏袒右肩合掌恭敬白佛言世尊云何爲菩
薩摩訶薩大悲佛言善男子此菩薩摩訶薩大悲者
若菩薩摩訶薩不捨三界名爲大悲若令一切衆生
得見諸佛淨妙刹土名爲大悲若諸破戒衆生悉能
憐愍護持名爲大悲若能令一切衆生志求般若波
羅密多親近修習名爲大悲若爲一切衆生不惜身
命名爲大悲乃至頭目髓腦難捨能捨難行能行爲
諸衆生名爲大悲復告善男子菩薩摩訶薩爲諸衆
生無有異心等以安樂離諸邪見悉令解脫善男子
是爲菩薩摩訶薩大悲應如是解爾時普賢菩薩摩
訶薩白佛言世尊唯願如來大慈無量爲諸衆生安
樂世間說此寶光總持法故并此大會諸天及人皆
得安樂利益卽時世尊愍諸衆生以梵音聲普告諸
菩薩摩訶薩言汝等今者於未來世後五百歲法欲
滅時誰能受持廣宣流布此寶光總持法故是時普
賢菩薩離一切憂暗菩薩藥王菩薩辯積菩薩出生
一切法王菩薩無盡意菩薩海慧菩薩寶師子菩薩

寶賢菩薩寶光菩薩寶髻菩薩觀自在菩薩等觀菩
薩常觀菩薩寶手菩薩寶積菩薩寶莊嚴菩薩吉祥
幢菩薩法吉祥菩薩財吉祥菩薩福德吉祥菩薩栴
檀吉祥菩薩法慧菩薩甘露慧菩薩不思議菩薩福
德莊嚴菩薩功德莊嚴菩薩相嚴菩薩常歡喜根菩
薩衆智山峰王菩薩辯說菩薩常舉手菩薩持地菩
薩辯意菩薩虛空藏菩薩月藏菩薩清淨月藏菩薩
日藏菩薩出生王菩薩摩訶彌盧菩薩堅牢慧菩薩
彌勒菩薩摩訶薩如是等六千俱胝那庾多菩薩
摩訶薩以一音聲同時告言世尊我等今者能

於未來世後五百歲法欲滅時常當受持廣宣流布
爲諸衆生說此寶光總持法門佛言善哉善哉善男
子希有希有善男子汝等爲諸衆生能發如是清淨
大願爾時世尊告普賢菩薩摩訶薩言諦聽諦聽善
男子此寶光總持微妙正法爲欲利益安樂一切衆
生爾時世尊說是語已卽昇大寶莊嚴師子之座結
跏趺坐卽說寶光明總持陀羅尼曰

曩莫

引三滿多拔捺囉二合

野冒

引

阿彌陀

阿彌陀

阿彌陀

地薩怛嚩_{二合}野麼賀_引薩怛嚩_{二合}

_引

野麼賀_引迦_引嚩泥迦_引野怛

_引

你也_{二合}他_引唵_引婆囉_引婆囉_引野囉

_引

眠_引婆囉婆冷帝薩怛嚩_{二合}賀_引

_引

是時世尊如是三說此寶光總持祕密微妙最上甚深廣大法寶是時普賢菩薩摩訶薩白佛言世尊法與法者是義云何佛言善男子無法卽法卽一切義

卽無性義一切法義卽等虛空義一切法卽無數義無數義卽一切義無數義卽一切法義普賢菩薩白佛言世尊云何說此一切法佛言善男子吾說此一切法者謂眼耳鼻舌身意如是此六識及十二緣行善男子是故我今作此說故一切諸法亦復如是復次善男子一切諸法本無生滅是時妙吉祥童子白普賢菩薩摩訶薩作如是言佛子此寶光總持法門菩薩云何受持普賢菩薩摩訶薩告妙吉祥如是說言善男子此寶光總持如法而說如理受持何故本性不生不滅故非相非空故無性卽自性故自性卽

無性故善男子此寶光總持如是不應執著受持觀察故智慧決了應如是住分別解說善男子此寶光總持觀法自性義故

大方廣總持寶光明經卷第二

吳江居士周麟趾捐貲刻此

大方廣總持寶光明經卷第二

無嬢羣唱一時羣無嬢羣唱一時志樂普賀菩薩白
唱無卦羣一時志羣唱等靈空羣一時志唱無嬢羣

大方廣總持寶光明經卷第三

宋西天印度摩伽陀國三藏傳教大師法天奉詔譯

是時尊者舍利弗白妙吉祥童子言善男子如此妙法住世幾何妙吉祥言舍利弗如此三毒貪瞋癡故舍利弗言善男子此貪瞋癡住當幾何妙吉祥言舍利弗此三毒住由如地界故舍利弗言善男子此地界復住幾何妙吉祥言舍利弗此三毒地界如無明界故舍利弗言善男子此無明三毒住當幾何妙吉祥言舍利弗如虛空界故舍利弗言善男子此三毒虛空界住當幾何妙吉祥言舍利弗如無性自性法

故是時尊者舍利弗白妙吉祥作如是言善男子汝等智辯若此云何我有如是智力與汝訥對復次善男子譬如一切猫狸踐須彌山終不能盡如是如是善男子我等亦復如是如彼猫狸何以故如一切聲聞與一菩薩共同論議畢竟不能屈彼菩薩況復此妙吉祥童子故是時普賢菩薩摩訶薩告妙吉祥童子言善男子汝於今者請問如來白言世尊於當來世後五百歲彼寶光總持法王云何護持持經法師云何憐愍令得堅固于時妙吉祥童子從自法座安詳而起卽白佛言世尊若有法師受持讀誦爲他解說此正法者得何功德佛言妙吉祥若有比丘持此法王者當得生於清淨法身故當得究竟佛菩提故如是中間常得住於諸佛法中心不退轉一切天魔及諸眷屬不能娆惱若有善男子於彼法師暫起慈心一彈指頃是人卽得遠離輪廻究竟亦得佛菩提故復次妙吉祥持此寶光法王者若起輕慢誣謗之心是人世世得牙齒疎缺平鼻無舌手腳攀躋身常重病癡駢盲聾生於下賤懈怠懶惰佛告妙吉祥如是愚迷衆生我今略說善男子彼諸衆生命終之後受無數地獄如一一孔毛種種苦惱從地獄出若生

人中常得生盲瘡痘復次妙吉祥若有見此正法衆
經之王輕毀之者是人當得身穿爲寢醜脣褰縮身
皆破裂裸形黑瘦皮膚麤澁由如餓鬼妙吉祥重白
佛言我知如來智慧無量不可思議世尊彼如是等
愚迷衆生得生何處妙吉祥言唯願說之唯願說之
佛言妙吉祥止汝不應問我若說彼愚迷衆生謗法
之者所生之處天上人間若聞是說皆悉恐怖皆悉
悶絕宛轉躋地妙吉祥言唯願世尊大慈大悲廣演
分別彼諸衆生若聞是說於此不生不滅微妙正法
不起慢心佛告妙吉祥於此地下有諸地獄名號不

同所謂炎熱地獄極炎熱地獄黑繩地獄熾然地獄
極熾然地獄極惡地獄鉗口地獄鐵丸地獄鐵棒地
獄崩埋地獄懸頭地獄倒懸地獄煩面地獄焰恒熾
地獄膿血地獄常臭地獄拖撲地獄常殺地獄生極
大疼痛地獄佛告妙吉祥彼如是等地獄卽彼謗法
衆生所生之處是時普賢菩薩摩訶薩白佛言世尊
彼持經法師命終之後生何國土復次普賢菩薩若
有善男子善女人及諸法師持此經者於此命終卽
得往生寶莊嚴世界世尊彼世界中有佛刹不可思
議樂大辯說如來復有無數諸菩薩衆身色巍巍殊

特妙好善男子是諸衆生臨命終時彼世界中有六十二俱胝佛同時現前善男子我今略說若廣說者功德無量無數經百千劫不能窮盡普賢菩薩重白佛言世尊云何於未來世時若諸衆生聞此正法不生誹謗佛告普賢菩薩若四輩弟子得聞是經言非正法作如是說是邪說非如來說應自說故非真經典或言我先已聞此非正法作是輕慢誹謗之者永不聞法遠離三寶名字彼如是等愚癡衆生命終之後當墮黑暗地獄其獄之中有大鐵輪刃如鋒錐常拂其頭拂已還生如是經無量百千劫從此獄出設

得人身復經無量百千萬劫常無兩目是時復經過百千劫不復入人身縱生人中於一切處亦復生盲又無舌根頭面顛倒腰脊僵僂脚癱狗聲常困饑渴羸瘦憔悴面色乾枯口氣常臭人皆惡賤一切衆生見者生瞋人皆棄捨是時彼一切衆會異口同音作是唱言如來今者爲我等故已說是法如是正法我等已聞快說世尊快說善逝我等於未來世見有受持是經典者不生誹謗輕慢之心我等愚迷由如稚子不覺不知無有智慧世尊佛說是時彼大聲聞及天帝釋大梵天王護世諸天比丘比丘尼優婆塞優婆

夷各作是言世尊我等聞說謗此法者有如是罪身
皆悚慄恐怖無量佛言如是如是如汝所說非但汝
等吾今已得一切聖智上由恐怖況復汝等我諸弟
子時諸善男子於彼法師深生敬仰不能自勝若諸
天龍藥叉乾達囉等人及非人無能破壞善男子若
沙門婆羅門見此法王如佛塔廟此經亦爾天上人
間如敬寶篋是時妙吉祥童子重白佛言世尊若諸
四輩弟子於此經王深信受持者得幾所福佛告妙
吉祥若人於此妙法及彼法師受持之者乃至名字
或於一日一彈指頃發起慈心我悉知之或時發心

飲食供給或施園林淨地用作僧房種種供養是時
尊者舍利弗白世尊言如是等人於五無間罪爲滅
爲不滅佛告長老舍利弗止勿作是說所以者何若
諸衆生受持正法者卽得消除五無間業佛言舍利
弗五無間者爲聞此經威德力故此五無間業速疾
消除還復人身數數得生佛法之中永不復墮於三
惡趣故是時尊者舍利弗悲泣雨淚白佛言世尊如
向所說謗此經者乃有如是廣大業報昔所未見如
是罪報乃至夢中亦未曾見是時世尊告長老舍利
弗言止舍利弗勿作是念復次舍利弗我說此無礙

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

妙法數告汝等舍利弗彼衆生以自業力作種種
罪自作自受非彼他人各各衆生自業力故受是痛
苦非如來過舍利弗我常說言是諸衆生汝等訪諸
善友樂求安樂離諸怖畏樂求涅槃樂甘露味我常
開示菩提正路是時復說彼諸衆生恣縱貪瞋自作
身業口業意業心生邪見不自正知造作衆罪各各
邪視於身分別造衆惡業因墮地獄受種種苦衆生
自過非如來咎復次舍利弗我常如是興於大悲爲
諸衆生乃至一一衆生盡於一劫我皆代受地獄之
苦終不棄捨一衆生故舍利弗如來大悲恒常如是

譬如天上人間父母唯生一子端嚴殊特色妙無比
福相圓滿彼於一日忽然命終時彼父母爲此子故
心生懊惱情地惶惶悲號痛切苦惱如是舍利弗如
來應正等覺亦復如是悲愍衆生如見一子如來煩
惱終不能著悉已遠離何以故舍利弗譬如大海不
宿死屍舍利弗如來亦爾煩惱不著又謂舍利弗身
諸行相非行非住非處非無處無滯無礙自他不著
舍利弗如來亦復如是觀諸行相化導羣生不貪說
行雖作一切種種行相不可指不可示等虛空界離

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

諸疑惑無有戲論如來亦爾無有疑惑離於戲論是時衆生一向迷惑無有迴轉如來大悲而能隨順如有衆生欲來佛亦隨來去亦隨去何以故是諸如來本願力故復次舍利弗如來應正等覺無有錯謬如來無有無明如來智慧亦無迷惑舍利弗吾今於天上人間最尊最貴最上第一不可稱量無有等等舍利弗是不誑語者不異語者佛言若有衆生在家出家於此正法而生誑謗者如前所說一切惡相種種地獄衆苦所受是時尊者須菩提合掌恭敬白佛言世尊此法微妙甚難得聞世尊彼諸衆生於此正法

而生誑謗者當得何報佛告須菩提誑斯法者得生大舌縱廣百千由旬上有五百俱胝鐵犁牽長時耕舌復從口出極熱猛火聳焰上騰炎熾輝赫合成一聚經百千劫受大極苦云何而得須菩提如是業報彼愚癡衆生皆因口業所作須菩提彼愚癡衆生誑此法者受如是報是時一切衆會以佛威力同作是言如來說此極大惡報甚爲希有是時帝釋天王白佛言世尊我當於彼比丘持經法師於未來世常生尊重以諸華香飲食衣藥塗香末香種種供養晝夜三時恭敬禮拜尊重讚歎志心護持世尊是善男子已

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

生如來法身中與諸如來同一名號何以故如灌頂
刹帝利王所生之子端嚴巍巍具足王相見者歡喜
彼諸人民皆悉尊重拜跪問訊見彼法師亦應如是
禮拜等重爾時世尊告普賢菩薩摩訶薩言善男子
此帝釋天王善能說之爲彼比丘持經法師憐愍饒
益潛加護持普賢菩薩言世尊我亦如是於未來世
彼善男子善女人亦復護持憐愍饒益息諸災患令
得安樂周徧百由旬外不令嬈惱爾時世尊讚普賢
菩薩摩訶薩言善哉善哉善男子汝今善說爾時世
尊以梵音聲重說偈言

令他安樂心悲愍

悉能隨順諸衆生

三業清淨善稱揚

無等功德真實寶

是時普賢菩薩摩訶薩白佛言世尊菩薩摩訶薩云
何當得此寶光總持法故佛言善男子菩薩摩訶薩
於寶光總持當行一法云何爲一法謂於一切衆生
不起煞意令得安樂普賢菩薩復有二法云何爲二
謂離於瞋恚善言誘喻普賢菩薩此爲二法若能如
是卽得寶光總持法故復次普賢菩薩摩訶薩爲一
切衆生意根不亂無時暫捨是時復告善男子菩薩
摩訶薩爲諸衆生皆離一切憎愛故是時菩薩說此

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

寶光總持功德時復以稱揚讚歎此最勝功德于時天上人間有無量無數衆生皆得此法復出寶光總持最勝功德稱讚法師爾時尊者阿難從座而起偏袒右肩右膝著地合掌恭敬住立佛前白佛言世尊此寶光總持微妙正法如是深邃佛告阿難如是如是此色相甚深受想行識甚深如空甚深如虛空甚深阿難白言我於如來前得聞八萬四千法藏未曾得聞如是妙法佛告阿難此寶光正法難遇難聞阿難言佛說如是微妙正法於未來世後五百歲中法欲滅時有諸衆生欲作佛事當依何法佛告阿難依

我釋迦牟尼如來說此正法及彼法師若有書寫受持供養恭敬此正法者眼常無病鼻亦無病舌亦無病齒亦無病手亦無病腳亦無病頭亦無病耳亦無病諸根具足身不臭穢亦無中天壽命延長彼一切諸天人及非人常時衛護時彼法師於此命終復得生於善逝世界天中而生離諸喧雜一切戲論阿難白言世尊是何因緣說此正法魔王毒害不能障蔽佛告阿難一切魔王於此正法終不能作障難之者爾時世尊作是語已時彼魔王生毒害心作是念言若有說此寶光總持法時我當往彼作其障難是時

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

魔王以自業力自見猛火來燒其身恐怖無量退散而走阿難此法如是深妙難測不可思議若此正法隨所住處如佛塔廟阿難白言若如來在彼正法住處我於是處得見如來往到佛所先禮如來後禮此法爲有何過佛告阿難汝有過失何以故汝旣如是輕慢正法云何我得天上人間最尊最貴最上第一復次阿難我於過去先聞此法後證菩提阿難白言世尊於何如來恭敬供養復於何處聞彼如來說此寶光三摩地法佛告阿難我非於天上人間乾達縛處恭敬供養求此法故我於往昔爲菩薩時有佛世

尊號不空積聚開妙衆寶光明藏如來前得聞此法佛告阿難彼如來卽不與我授記我從是來過百千俱胝那庾多劫難行苦行爲聞此法阿難是故汝應先禮此法後禮如來是時一切梵王帝釋護世諸天以一音聲同作是言歎此法故是無上法是最勝法是無等等法神變如是若有聞此微妙正法乃至名字應隨向禮何以故若有受持讀誦爲他解說者如意來等無有異爾時世尊讚彼梵王帝釋護世諸天言善哉善哉聖衆善說爾時世尊從口而出廣長舌相徧照三千大千世界已告普賢菩薩摩訶薩言

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

善男子汝今諦聽我今請汝爲諸衆生說此法故云
何衆生於此寶聚不自守護展轉息利如生盲人不
見日光又如賚賈無有方便不自貿易亦如貧人不
自精勤常奉他顏見諸衆生不聞此法亦復如是爲
諸衆生譬喻言說於是普賢菩薩摩訶薩從座而起
偏袒右肩右膝著地合掌恭敬住立佛前卽時普賢
菩薩摩訶薩從自法座安詳起已卽時三千大千世
界諸天宮殿六種震動所謂動徧動等徧動震徧震
等徧震擊徧擊等徧擊吼徧吼等徧吼漏徧漏等徧
漏起徧起等徧起大光晃耀一切世間於是普賢菩
薩摩訶薩白言世尊云何問我世尊云何問我善逝
世尊是具足一切智者何不爲諸衆生大悲憐愍我
名如來之子云何我有如來智云何我有如來力我
於是時常依佛言依如來言我常依止由如甘露不
敢違背恒時隨順於時世等讚普賢菩薩摩訶薩言
善哉善哉佛子汝卽如來長子最勝最上我爲衆生
說此正法善男子汝當依我如法護持恒常尊敬由
如寶篋盛以珍玩勿生捨離未來世時有破戒比丘
不生敬信善男子彼不依此普賢菩薩言世尊於意
云何彼出家者有何行故佛言善男子止勿應問此

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

經
普賢菩薩言世尊唯願說之唯願說之若不說者云
何而能爲諸衆生佛言普賢菩薩汝今諦聽我說此
法由如衆海文殊師利觀世音無量無數無有邊際
菩薩摩訶薩等一心諦聽於未來世彼出家者修何
行業爾時世尊告普賢菩薩摩訶薩言佛子彼出家
者於此正法多生輕慢樂求舍宅貪著利養畜積財
寶精舍房堂衣服卧具飲食醫藥造惡業因自破自
壞爲是愚迷衆生我說是經廣令流布久住不滅度
脫衆生是時十方一切天龍藥叉乾達囉等來白佛
言世尊我等天人八部并諸眷屬盡生恒時守護是
而說偈言

經并彼法師一切比丘及諸法藏不令嫌惱我常隨
侍尊重恭敬香華衣服種種珍寶一切所須我皆供
給令法久住爾時世尊爲普賢等九十二俱胝菩薩
而說偈言

諦聽一切妙語言 最勝功德超彼岸

欺誑兇險皆棄捨 一心專意樂諦聽

聞佛摩竭提國中 菩提大樹仁師子

住大解脫三摩地 當處如是大樹王

盡彼十方微塵刹 佛子周遊無所畏

此名如來三昧族 是諸三昧彼當得

77891012345678920123456789301234

恒時知彼仁王行 得見文殊真境界
盡彼十方微塵刹 汝觀如來真色相
一切十方微塵刹 佛子悉皆名吉祥
爲彼世間得值遇 文殊師利無邊智
問大衆生賢吉祥 佛子功德云何得
是時實際廣功德 無邊衆生能解了
問大衆生賢吉祥 文殊功德妙菩提
佛子若說此法已 得解清淨佛功德
復次佛子應云何 當得如是功德行

佛子諦聽賢吉祥 無邊最勝彼功德
我今略說於少分 如添大海一滴水
乃至得證佛菩提 若有衆生初發心
無邊功德莫能測 一一功德盡讚揚
波羅蜜多功德地 如有經行於多劫
不能說盡彼功德 如是十方一切佛
彼於是時說少分 大地一塵無能比
如鳥飛空不可量 菩提功德隨心意
發信一念生佛法 如是和合生心已

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

彼非愛樂王福樂 非自求安非名利
除滅世間諸苦惱 爲衆心故生世間
彼意恒爲諸衆生 清淨佛刹興供養
修習此法證菩提 從心發生清淨智
彼常恭敬求解脫 尊重一切生佛想
一切諸法功德同 生心如是恒恭敬
發心歸向於佛法 佛子興心行此行
無邊菩提發是時 生大丈夫猛利意
發心力如人中主 廣興供養不思議
衆法無壞莫能量 生心供養應如是

發心能免胞胎苦 養育劬勞一切行
隨樂快樂悉從心 是故見於安樂處
發起無邊恭敬心 我人憍慢皆棄捨
發心卽妙珍伏藏 如手攝持獲安樂
發心能爲歡喜捨 發心踊躍作佛事
發心求勝功德林 得佛所說皆徃詣
勇猛利根光明照 發心堅固無能壞
種種煩惱頓皆除 發心能說佛功德
發心和合不和合 一剎那中悉皆離
發心能越魔王界 見彼最勝妙解脫

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

功德種子不朽因 發心種大菩提樹
最上勝智皆增長 發心見諸一切佛
彼說過去行大行 解脫妙行發心求
此法世間甚難遇 由如大海衆寶王
若常發心恭敬佛 無我無行彼皆離
離諸過患衆惱尤 復能稱讚彼功德
持戒見獲菩提心 方便修學功德地
能依戒法善修習 彼常依佛所教勅
若常發心恭敬佛 彼佛廣大興供養
於佛廣大供養已 復能慇重不思議

若常發心供養法 聞彼佛法心無厭
若於佛法心無厭 不思議法妙解脫
若常發心恭敬僧 彼於僧中心不退
如是發心僧不退 當得發心不退力
若得發心不退力 彼以根利現光明
若得根利現光明 彼常遠離惡知識
若已遠離惡知識 應當求法訪善友
若法善友尋求已 彼獲廣大妙安樂
若獲廣大妙安樂 因力自大皆棄捨
若已棄捨我慢因 卽得廣大勝解脫

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

大方廣總持寶光明經卷第四

詔譯
宋齊天中印度摩伽陀國三藏傳教大師法天奉
詔譯

若得發心淨覺意 彼說最上最殊勝
 若得最上殊勝已 常行波羅蜜多行
 若得波羅蜜多行 則能隨順此大乘
 若能隨順此大乘 則能隨順供養佛
 若得隨順供養佛 則得智慧志堅固
 若能智慧志堅固 常見彼佛不思議
 若常見佛不思議 見佛無去無有住
 若得見佛無去住 此法住世恒不滅

詔

詔
宋齊天中印度摩伽陀國三藏傳教大師法天奉
詔譯

詔

詔

若見此法恒不滅

遠離積集諸煩惱

若得遠離煩惱因

則能說法無邊際

若得說法無邊際

彼爲典慈住世間

若爲慈心住世間

則是大悲堅牢本

若得大悲堅牢本

即是爲他法喜樂

若得喜樂法根本

彼捨造作種種罪

若捨造作衆罪已

無我無人離衆非

若得無我離衆非

彼常自利及利他

若常自利及利他

永免輪迴諸苦惱

若離輪迴諸苦惱

彼得大力最爲勝

則得出生清淨智

若生清淨智慧已

彼入世間修行網

若能入此修行網

成熟世間甚希有

若得成熟於世間

積集世間妙智慧

若得世間妙智慧

則能隨順於四攝

若能隨順於四攝

則於世間廣施設

若於世間廣施設

則住方便智慧力

若得方便智慧力

則住勇猛無上道

若住勇猛無上道

則能遠離四魔道

若得不見魔軍衆

則能遠離四魔道

若得遠離四魔道 則能到於不退地
若得到於不退地 卽得名爲無生忍
若得如是無生忍 得佛授記號世燈
若得授記號世燈 則住一切如來前
若得住於如來前 得佛祕密變化智
若得如來變化智 一切如來皆授記
若得諸佛授記已 一切功德衆莊嚴
若得功德衆莊嚴 得妙福德清淨身
若得如是清淨身 由若金山光照耀
若得如是金山光 卽得具相三十二

若得具相三十二 卽得相好莊嚴身
若得相好莊嚴已 身放光明普皆照
若得光明普照已 不思議光衆莊飾
若得如是衆莊飾 光明足步蓮華生
若得光明蓮華行 得佛境界蓮華座
若得如來華座已 則能照見十方界
若得照見十方界 教化衆生不空行
若得教化不空行 卽得智辯無邊際
若得智辯無邊際 說此不可思議法
若得說法不思議 令彼無量衆忻慶

若得無量衆忻慶 積行不可思議刹

若得如是廣大行 各各智力盡能知

若得如是智慧力 世間隨類化羣生

若得隨化群生已 宿命住智彼皆得

若得如是宿命智 三業清淨恒無間

若得三業恒無間 以自願力隨念至

若得願力隨念至 隨諸衆生現衆類

若得隨現衆生類 得不思議妙音聲

若得如是妙音聲 能出種種衆語言

所出如是妙言辭 則能周徧諸世界

如是周徧諸世界 一剎那中盡能知

若得如是了衆心 不生不滅無退轉

若離生滅無退轉 一切障惱不復生

若得障惱不復生 法身功德智慧圓

若得法身智慧圓 法行光明照世間

若得法光照世間 則得十地十種身

若得十地十種身 則得般若解脫道

若得般若解脫道 灌頂莊嚴爲最上

若得如是灌頂已 三摩地道悉皆成

如是三摩地得已 各見十方一切佛

若見如是諸佛已
作是思惟是事已
諸佛同時灌頂已
既得諸佛摩頂已
如是變現等虛空
若得隨所能堅固
既以人天無能測
過諸稱量離語言
以是一切不空力
既以大辯力如是
如是諸佛念灌頂
十方諸佛同灌頂
各伸右手摩其頂
則能變現等虛空
隨所住處能堅固
天上人間莫能測
如是所作離稱力
是爲一切不空力
聞名見身獲大辯
能作世間大施主

復名不空大丈夫
不捨大慈演妙法
演說寶光最上乘
彼之自性如海寶
無邊功德亦復然
於彼現作佛菩提
彼常說法離衆惑
亦如月光普照耀
刹那刹那佛菩提
常轉法輪安世間
復名不空大丈夫
不捨大慈演妙法
於諸惡道化群生
猶如金剛寶雲聚
不增不減無有損
有刹無佛不聞法
見彼猶如大法藏
十方世界無罣礙
教化衆生千方便
卽見十方諸世界
勇猛偏轉十方界

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

彼諸聲聞辟支地 無邊變化佛莊嚴

復經不可思議劫 化諸衆生親往詣

若男若女童男女

天人修羅龍王類

藥叉乃至摩護羅

以解脫智皆悉見

若諸世間衆形類

隨衆語言悉皆同

一切勇猛皆盡見

如是勇猛盡觀察

海印三昧從口生

得是海印衆三昧

能嚴不可思議刹

嚴飾不思議刹已

供養十方諸如來

如是種種供養已

復得光明衆嚴飾

若得光嚴不思議

則得無邊解脫智

若得無邊解脫智

得不思議身變化

若得如是身變化

口辯智辯亦如是

若得口智無礙辯

布施變化不思議

若得布施不思議

持戒忍進亦復然

若得持戒忍進通

禪定神變莫能測

若得禪定神通變

出生方便神變智

得是方便神變智

出生無邊諸功德

從佛口生三摩地

三摩地入一微塵

一切微塵皆盡入

一微塵中難思刹

一一微塵皆悉見

如是佛刹微塵數 中佛刹盡皆覩
 種種微細清淨衆 無上貴重微妙刹
 如實遠離出興世 其中祕密妙昇騰
 有以除暗放光明 帝網重重復無盡
 猶如見一大光明 如是一切微塵盡
 此大仙行三摩地 卽是無邊勝解脫
三摩地亦供養佛 一切如來供養已
 復於手中變千萬 作大丈夫興廣供
 乃至十方妙華蔓 塗香發越珍奇寶
 一一手中親施與 菩提大樹詣佛所
 價直千萬妙香衣 種種幢旛及傘蓋
 閻浮檀金莊嚴具 彼自手中親施與
 無邊一切所受用 淸淨供養於大仙
 手中奉上皆捨施 住佛菩提大樹王
 乃至一切衆妓樂 擊鼓出衆妙音聲
 種種雅樂琴箜篌 一一手中親撫擊
 種種讚唄妙伽陀 種種稱讚真實德
 無邊一切十方界 一一皆自手中作
 或以光明興佛事 皆從右旋而動作
 香水普灑諸佛刹 供養一切世間燈

光明嚴麗適意香

蓮華瓔珞不思議

蓮華妙色無央數

一一自作供諸佛

放大光明嚴飾華

種種微妙華雲海

如是妙華普周徧

廣大供養作佛事

放大光明嚴飾香

種種微妙香雲海

如是妙香普周徧

廣大供養作佛事

放大光明塗香獻

種種塗香妙雲海

如是塗香普周徧

廣大供養作佛事

放大光明鬟嚴飾

種種微妙鬟雲海

如是妙鬟普周徧

廣大供養作佛事

放大光明株香嚴

種種株香妙雲海

如是妙香普周徧

廣大供養作佛事

放大光明嚴飾衣

種種微妙衣雲海

如是妙衣普周徧

廣大供養作佛事

放大光明嚴飾蓋

種種微妙蓋雲海

如是妙蓋普周徧

廣大供養作佛事

放大光明寶嚴飾

種種微妙寶雲海

如是妙寶普周徧

廣大供養作佛事

放大光明蓮華嚴

廣大供養作佛事

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

放大光明瓔珞嚴

種種瓔珞妙雲海

如是瓔珞普周徧

廣大供養作佛事

放大光明幢莊嚴

彼幢青黃具赤白

無數妙寶衆莊嚴

衆幢嚴飾彼佛刹

種種嚴飾摩尼網

懸繒旛蓋妙華鬘

垂珠瓔珞演佛音

持蓋常在如來上

假使供養一如來

手自供給不可數

如是盡諸一切佛

此仙變化三摩地

攝諸世間神通智

是爲最上三摩地

善行一切衆方便

如是化導諸群生

或有供養諸如來

種種行施不思議

尸羅清淨頭陀行

無盡忍辱非動搖

或有勇猛勤精進

寂然禪定善修習

智慧了達諸義趣

能行一切善方便

或行慈悲喜捨願

同事愛語利他力

以智積集衆福業

解脫四諦十二緣

或有根力覺道行

聲聞乘中得解脫

觀緣清淨緣覺乘

神通變化最上乘

或見無常諸苦惱

非命非身卒暴衆

非橫煩惱障所纏

三摩地力能蠲除

於諸世間行精進

演暢妙法化羣生

普願一切皆解脫

誘諸衆生隨世間

彼諸形類莫能測

神通密演三摩地

嚴持欲樂妙變化

隨意引導諸世間

悉令歡喜獲安樂

思念衆生無暫捨

若逢饑饉衆難中

種種安樂世所有

一切愛樂悉從心

爲諸世間廣施設

常以珍味之飲食

種種麗服及庫藏

王物我所愛樂捨

一切世間隨意施

殊特妙好相嚴身

巍巍上行無傾動

塗香華鬘悅衆心

現是色相化羣有

見諸愛樂生歡喜

上妙智慧種種色

見諸最上微妙色

隨意化導於世間

迦陵頻伽出妙音

白鵲計羅俱拏聲

緊那羅鼓出梵音

恒演如來解脫法

八萬四千如來藏

一切勝義盡能行

差別萬法妙能宣

隨意化導諸衆生

衆生苦惱悉同行

非惡非善亦復爾

造作一切諸行業

隨意化導諸衆生

若逢災難苦惱中

見彼如是難堪忍

代諸衆生受衆苦 安樂一切諸世間

若法或有或不至 無智無福無解脫

與王於彼同敷暢 拔濟衆生超彼岸

能離貪愛衆結縛 名爲世間解脫主

一切欲樂盡能超 出離解脫光明照

彼放光明十種行 能行調御衆方便

一切仙行悉了知 觀見世間隨所作

衆生等同無量壽 坦然安隱而快樂

生老病苦不能侵 決定自見無常趣

如有衆生樂燈明 世間癡暗然大炬

老病死苦恒熾然 世間引導諸衆生
十力精進四無畏 如來十八不共法

我意思惟廣大功 於諸世間作佛事
譬如世間諸幻術 能現種種衆色相

見諸如來化亦然 如是神變導諸有
彼以種種方便行 善言誘喻諸衆生

譬如蓮華不著水 隨意造作差別行
華辭捷利衆語言 妓舞戲玩相撲撲

瓔珞莊嚴舞旋轉 如幻現相各不同
或作村營商主尊 長者賈客市中主

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

輔相大臣王給使

醫方大辯衆論師

或於曠野作大樹

珍寶妙藥無盡藏

如意摩尼給所須

失路迷人爲導引

盡知未來生世間

衆生不知自作業

經營農務衆方便

世間工巧種種行

或現怨親無憎愛

安樂一切諸衆生

洞明方論種種法

彼仙開決光明道

若諸最上大仙行

天上人間皆解脫

若諸出家苦行輩

開彼最上一切智

若諸外道出家衆

常持不語憍答摩

裸形不動沙門相

亦自依稟本師教

或有常持捨身法

或卽執有執本無

長髮髻髻童子相

亦自依稟於本師

或有事日五炙身

狗戒牛戒鹿皮衣

巡訪三時行供養

亦自依稟於本師

或有常樂天中智

無善無惡撥無因

尋求根果水爲食

執爲上味難思法

或有蹲坐紅色衣

或有塗灰或卧草

持捧題名搭肩行

亦自依稟於本師

乃至一一諸外道

皆悉令彼離結縛

彼行利智惡苦行

如是外道皆接引

世間同類皆教化

邪見棲託本靈跡

於彼方便演妙法

說此正法令他作

或演大乘真言行

正法祕要妙言辭

或於正直演實言

其中或演天妙句

或以文字得解脫

法集妙義金剛句

智慧破壞外論句

論說種種解脫言

或於人中演神呪

宣揚一切妙章句

其中或有天語言

龍王語言藥叉句

或於羅刹步多言

藥叉畢舍乾達囉

緊那羅女誠噏擎

演斯妙法解脫義

彼以智慧如法說

若佛若法如是盡

智道不可思議法

說此三摩地變化

解了世間三摩地

行於一切諸世間

或放光明難思議

光明引接諸衆生

或放光明名妙觀

乃至衆生因光信

彼得不空妙觀察

無上智及無上因

得見諸佛并聞法

及見僧徒諸功德

見塔讚佛甚希有

及見清淨光明照

或放光明名普照

偏照一切諸世間

8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

一一微塵彼盡知

爲欲安樂世間說

彼光普照諸衆生

常持燈明供養佛

持燈供養諸佛已

世間所有衆燈明

或以酥燈及油燈

松脂草竹及葦燈

衆香美味珍寶燈

盡持光明施諸佛

又放光明名徧照

悉能觀察諸衆生

貪愛輪迴生死海

爲欲拔濟諸羣生

光照輪迴貪愛海

悉令利樂諸有情

皆得遠離於四魔

苦惱逼迫令安樂

作諸橋梁無有數

或於河路作船筏

吒呵假僞讚息災

彼放光明皆盡照

光明警悟渴乏者

彼能覺悟諸衆生

遠離貪欲獲善利

得爲說法之導師

若離貪欲獲善利

說法化導亦復爾

得佛降霆甘露水

濟拔世間饑渴者

或作池河及井潭

穿鑿造作爲菩提

呵毀愛欲稱讚定

呵責貪愛彼悉除

憐愍衆生放光明

彼光徧警諸羣有

樂他變化住菩提

念念生心我當得

莊嚴相好蓮華座

大悲憐愍諸衆生

三

卷之三

三

卷之三

恒時演說佛功德

放光令彼生忻慶

又放光明名適意
於佛於法生愛敬

是光能覺諸有情

既得佛法生忻慶

及以給侍於衆僧

遇諸如來并妙法

得最無上忍辱行

覺此界多言不惟

彼放光明令趣求

丈放光明集福德
舍施無效重重于

此光能覺諸有情

所求如意皆滿足

如是種種物能施
積集福導故光明

如是智者放光明

彼光照察諸衆生

法慧攝諸衆生義

知了盡了能悉悉智

妙法用事已宣揚
若以智燈放光明

自知放衙大光明

衆生不空無生滅

諸法自性卽無性

法無主宰依於空

善說出生智慧燈

法力變化放光明

彼光警悟諸衆生

無盡總持誰易得

持諸如來妙法藏

總持妙法修習已

大仙之法常護持

宣暢是法爲世間

是爲法化放光明

或以好捨放光明

彼光能覺諸衆生

無常不以知快樂

如是捨離彼皆得

若諸衆生我難伏

了知自性如浮雲

知已好慧善安和

是爲好施放光明

又放光明名懺悔

照察毀禁諸衆生

戒法清淨懺悔已

心生遠望當得佛

若諸衆生因持戒

現業毀禁獲清淨

彼同發此菩提心

放此光明彼盡懺

忍辱放光衆嚴飾

彼光照察諸衆生

瞋心極惡意難調

先以忍辱彼卽除

自業難行忍辱行

於心不動菩提道

恒時稱讚忍辱行

是爲忍辱衆嚴飾

又放光明光熠耀

照察懈怠諸衆生

三寶種種諸方便

相續方便供養已

卽能遠離於四魔

疾得無上大菩提

化諸衆生行精進

如是供養三寶已

恒持妙法無盡時

燭耀光明彼卽得

又放光明作忍辱

普周覺察諸衆生

菩提遠離貪瞋癡

得心恒時無間斷

所有業行悉皆除

遠離一切諸不善

稱揚息災讚禪定

忍辱清淨放光明

智慧嚴飾放光明

能覺癡暗諸衆生

若說正法得解脫

徧能證入諸智根

若聞正法得解脫

徧能往詣根源已

卽得日燈三摩地

得佛智慧妙光明

王之所有我能施

爲求妙法住菩提

卽得常時演是法

智慧光明莊嚴得

若佛放此大光明

彼光巡察諸衆生

無數難思千如來

現座妙好蓮華上

大覺如來解脫我

無邊變化演佛音

作佛如來照察力

卽得放此佛光明

又放光明施無畏

部多恐怖諸衆生

救諸患難羈鎖縛

如是恐怖災難者

令諸衆生得安隱

悉能遠離於殺生

救諸業道患難者

得大無畏放光明

又放光明名安樂

安諸得病纏綿者

一切疾疫盡療治

安樂禪定三摩地

種種醫藥華果實

塗香末香珍寶味

香水乳蜜及酥油

飲食供養皆充足

見諸如來放光明

照察衆生命終時

教令念佛卽見佛

命終決定生佛刹

臨命終時若念佛

見於佛像生愛敬

佛爲往彼而救度

得見諸佛爲說法

又放光明名法光

此光能覺諸衆生

聞法書寫讀誦持

常得愛樂於諸法

開敷妙法甚難值

勤求妙法圓滿意

以諸方便獲斯法

是故說法光明得

又放光明名語言

佛子覺悟彼衆生

本願聲震三千界

聞諸如來衆言音

高聲稱讚於大仙

大聲響亮鐘鈴施

爲諸世間佛語言

是故得此語言光

又放光明施甘露

彼光能覺諸衆生

了知衆生起心時

一切功德相應行

無數苦惱災難中

恒說虛假無安隱

若常止息災難除

說施甘露悉皆得

又放光明名最勝 此光能覺諸衆生

勝戒三摩地亦然

聞佛最勝大智慧

無等淨戒三摩地

智慧第一大能仁

稱揚讚歎施菩提

彼當得此勝光明

爲施無盡妙珍寶

此寶供養於大仙

施寶供佛及佛塔

衆生求寶而不獲

施諸珍寶得爲佛

是故放光如寶嚴

又放光明徃照耀

是光覺悟諸衆生

適意塗香人不艱

彼行如來功德行

天上人間所出香

用爲供養諸如來

大方衆多佛塔我悉塗 是故放此塗香光
大方廣總持寶光明經卷第四

音釋

忻許斤切 **縉**疾陵切

杖初牙切以

髮髻也 **髮**帛也 **髮**髮字由切

髻喜也 **髻**接髮

燭燭爲立切

燭燭弋照

熒熒爲立切

熒熒門鑠貌

休邑比丘宗春助刻
大方廣總持寶光明經卷第四 計字五千二
百二十五箇 該銀二兩七錢六分 伏願

塵根頓淨佛果早圓 大地衆生同登覺岸
龍山釋海瓊對

崇禎六年孟春月徑山化城寺識

大方廣總持寶光明經卷第五

卷五
大藏經印慶肇伽陀國三藏傳教大師崇奉謹譯

又放光明種種嚴 種種幢旛及傘蓋
作諸妓樂及衆香 嚴持上妙雜華香
如是種種供養佛 菇燒香及抹香
幢旛妙益乖寶帳 能出種種妙莊嚴
又放光明發淨心 手持衆寶而住立
清淨大仙佛塔處 得此清淨妙光明
又放廣大光明雲 復雨種種妙塗香
塗香水灑塔界地 是故得此光明雲

卷五
大藏經印慶肇伽陀國三藏傳教大師崇奉謹譯

卷五
大藏經印慶肇伽陀國三藏傳教大師崇奉謹譯

又放光明種種嚴 裸者得衣而莊飾
種種瓔珞種種衣 是故出生莊嚴施
又放光明名衆味 施諸上味饑渴者
種種上味之飲食 施已獲得大光明
又放光明名勝義 庫藏珍寶施貧窮
及施三寶無有盡 是故檀行勝義成
又放光明眼清淨 盲者得視衆色相
以燈供佛及佛塔 獲得放光清淨眼
又放光明耳清淨 聾者各得聞衆聲
施佛音樂及佛塔 獲得清淨光明耳

又放光明清淨鼻 鼻根不具聞妙香
施妙塗香佛及塔 獲得清淨光明鼻
又放光明清淨舌 得佛柔軟慈意語
遠離麤犷雜穢言 獲得光明舌相好
又放光明身清淨 身根不具復圓滿
捨身量等佛及塔 是故得此清淨身
又放光明意清淨 一切妙意彼皆得
因心意作三摩地 得此清淨意光明
又放光明色清淨 思見仁王衆色相
種種妙色靡不周 得獲莊嚴光明塔

又放光明聲清淨

非聲空聲悉盡知

生信由如於谷響

放此清淨聲光明

又放清淨香光明

一切臭氣爲妙香

妙香水灑佛塔廟

放光住此菩提樹

又放清淨味光明

有毒無毒變上味

供佛聲聞及父母

施諸上味得光明

又放光明觸清淨

澁滑軟觸悉安樂

劍戟箭槍如雲雨

變爲柔軟妙華蔓

無數軟衣觸獲安

度生往詣於佛所

妙華塗香清淨衣

得施鬟蓋放光明

又放清淨法光明

一切毛端難思法

爲諸世間而出現

得佛演說一切法

信法自性本不生

法身報身亦復爾

法常寂住等虛空

是故得獲清淨法

光明現前應是作

於大仙面一毛端

出生宛伽沙等光

一切各各隨業因

亦如現前一毛塵

出現宛伽微塵等

如是一切毛皆盡

此三摩地大仙現

若放光明如本行

是光所作過去同

彼若不現此光明

云何神變等大仙

彼得福德既同因 隨喜勸請亦如是

若有得見悉獲安 是光自他俱解了

若作福業善安和 相續不斷供養佛

如來功德應忻求 觀此光明如是作

由如盲人不覩日 不分晝夜及世間

云何眼等能了色 各各法義而得解

調御放光亦如是 分明示彼不自見

未離顛倒妄想言 畢竟不得廓徹意

乘寶宮殿衆嚴持 種種資具妙香華

大衆無有能知者 彼之疾病甚難祛

調御光明亦如是 此光自障不能知
虛誑妄語未能除 畢竟不能心廣大

觀此光明能了別 常得樂說而安樂

彼身無疑妄想除 離我卽大功德幢

變化主伴而莊嚴 依此無上三摩地

無邊一切諸十方 顯示佛子并主伴

種種三千微塵刹 光明嚴飾蓮華座

一切身同跏趺坐 變化示此三摩地

自他十刹微塵等 蓮華坐彼諸眷屬

各各佛子衆圍遶 安住偏入三摩地

彼以大仙化導力 衆生從佛功德出

互相圍達大蓮華 同時合掌而恭敬

此法是大調御師 若入寂靜三摩地

得諸弟子衆圍達 由如衆星中朗月

如彼入於一方中 顯示佛子并眷屬

一切方中此皆盡 變化示此三摩地

彼方覆閉悉蠲除 最上三摩地行入

或有從於三昧起 自身顯示於十方

或有東方三昧中 西方不起能搖動

或有西方三昧中 東方現起大人相

悉能入此十方中 異方復現諸三昧

廣能現此功德智 大仙神變三摩地

若盡異方一切刹 無數如來皆往詣

一一足下而致敬 現住安樂三摩地

或以三昧視衆生 西方盡刹而湛然

一切如來悉現前 現作無數諸供養

如是西方盡見已 復往阿僧祇佛刹

於彼足下而致敬 得住安樂三摩地

彼於等持而正見 盡於東方諸刹土

一切如來悉現前 又覩無數諸供養

入此十方佛刹已

一一方盡無動搖

於中現起諸三昧中

種種供養世間燈

彼於眼塵三昧中

能現大色諸境界

見此不可思議色

天上人間悉愕然

既覩色塵三昧已

作是思惟眼塵境

眼之自性非生滅

是故開闡無相空

或有耳塵三昧中

能現大聲諸境界

入於一切語言音

天上人間悉愕然

既覩聲塵三昧已

審諦思惟耳塵境

耳之自性非生滅

是故開闡無相空

或有鼻塵三昧中

能現大香諸境界

如是妙香悉徧入

天上人間悉愕然

既覩香塵三昧已

復諦思惟鼻塵境

鼻之自性非生滅

是故開闡無相空

或有舌塵三昧中

能現大舌塵境界

如是上味普周徧

天上人間悉愕然

既得上味三昧已

審諦思惟舌塵境

舌之自性非生滅

是故開闡無相空

或有身塵三昧中

能現大觸塵境界

世間觸塵普徧入

天上人間悉愕然

既覩觸塵三昧已

身塵徧起諦思惟
身之自性非生滅

是故開闡無相空

或有心塵三昧中

能現大法塵境界

既覩法塵三昧已

復諦思惟心塵境

心之自性非生滅

是故開闡無相空

彼以三昧嬰孩身

出現盛年壯色住

彼現盛年三昧已

復住衰老朽痾身

住此衰老身三昧

復發心作優婆塞

住此優婆塞三昧

改質現作比丘身

住此比丘身三昧

卽得多聞比丘身

住此多聞身三昧

卽得有學無學身

旣住如是身三昧

卽得住於如來身

住是如來身三昧

得佛最上妙色身

住此最上身三昧

化身現作天人形

從此天形身三昧

出生衆多大龍身

從此大龍身三昧

出生諸大藥叉身

從此步多身三昧

現前出生一毛端

從此一毛端三昧

出生一切衆毛端

從此一切毛端中

出生一髮毛端塵

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

從此一髮塵三昧 出現一切髮塵境

一一髮塵三昧中 復能出現微塵數

若見一座三昧已 出生一切微塵盡

若見一一塵三昧 出生大海金剛際

從此金剛際三昧 出生摩尼樹華果

從此摩尼樹三昧 出現如來大光明

從此如來光三昧 出現一切江海水

從此江海三昧中 復現大火塵境界

從此火塵三昧中 出生風塵之思念

從此風塵之三昧 出生大地塵境界

從此地塵三昧中 出生一切天宮殿
於此宮殿三昧中 思念等彼虛空界

三昧解脫不思議 悉得無邊諸功德

復能照耀無邊劫 一切如來盡難量

一切如來同說此 世間業果難思議

龍化雲水佛入定 定中變化不思議

見彼出生說少分 於中彼衆悉驚怪

法師方便智令知 所說敏速能解了

卽得住於八解脫 聲聞得一卽爲多

或是得多由如 觀彼虛空光熾焰

焰赫熾盛俱洞然 周匝俱爲熾火城
火城下徹於水輪 於輪坐卧而安住
剎那身變不思議 彼衆無有大悲心
菩提行遠棄世間 身雖變化不思議
不能利他爲世間 譬如日月遊虛空
悉能照見十方界 波湖池沼及淵泉
方圓大小寶海河 悉現不思議色相
如日照見於十方 如智解脫諸三昧
若見如來佛亦然 澄湛池邊四兵衆
各各於中而現形 利劍弓刀箭甲冑

兜鍪覆膊條鐵札 亦如衆色而莊嚴
見彼如來光明網 不分憎愛離疑惑
解脫功德三摩地 天中海內說彼名
乃至衆生出生海 聞彼所說盡能知
自身語言皆歡喜 愛樂貪恚雜語言
一切隨類能了知 得妙總持法之力
人間天上過有無 名爲觀嚕婆惹娑
婆羅門女稱讚彼 志願無有愛恚心
爲無嫉妬得超身 雖有辯才愛恚存
不能成就大檀行 名稱遠聞於世間

無人不喜智功德 譬如明智作幻術

能現種種無邊色 或於晝夜月一念

百年由如於風燭

云何幻化有愛恚

世間變化如幻夢

定知遠離於解脫

如智善修人皆喜

天與修羅共鬪戰

天得修羅自退散

以蓋覆上乘車輦

兵甲自退而散走

修羅於彼生愛恚

自說身變不思議

富貴勇猛無能敵

現身變化能如是

能持大龍及金剛

帝釋眷屬成大象

此象頭現三十三

一一復現於六牙 一一牙上現七池

池中現水皆盈滿 一一池現七溝

蓮華種種而莊嚴 一一華中復現七

天女一切悉能知 能解歌舞衆妓樂

帝釋天衆同娛樂 知彼自身復龍形

得同一切而變化 種種造作等莊嚴

或時現龍爲最上 彼現有愛有恚癡

隨自福業現神變 智力方便相應行

非三摩地不能作 由如羅睺身變現

變爲金剛縛足下 現身海中水至脣

東京大学総合図書館所蔵

頭與妙高而同等

彼有愛恚貪瞋等

羅睺神變力如是

魔王破壞世間燈

若現神變無有邊

帝釋化現不思議

天與修羅共戰時

制伏修羅不能變

彼現自身於帝釋

能知修羅勇猛力

同時自往帝釋前

各各執持於金剛

修羅執持而戰慄

變現千眼能怖畏

光明熾盛執金剛

身披甲冑有大力

修羅旣觀而退走

彼以薄福力不任

帝釋爲天現神變

一切世間盡能救

說此神變福無盡

空中天鼓勸諸天

說於彼衆業果報

知天耽著於欲樂

天鼓出聲而救度

觀身無常不久停

此等自性不能了

如幻如雲翳星月

萬物自性如夢覺

一切煩惱怨家因

除得甘露離無常

其中若有樂耽著

無常迅速如摩竭

一切眷屬迷遭苦

聖者增長於一切

樂著欲樂如盲人

若有聞法免無常

鼓爲帝釋常誠勸

及諸天衆說妙法

恒時演暢妙語言

梵天王出妙音聲 梵王於彼世間中
定知梵王能變化 彼經劫數如剎那

不能一念生悲智 過於三災壞劫已
不思議心諸世間 衆生業報心生風

風能成就器世間 四海衆山天宮殿
廣大種子光明寶 風能生雲而降雨

雨止風卷雲自收 風能成熟世所有

安樂衆多諸世間 彼不學於波羅蜜
亦復不學佛功德 能現世間不思議

雖復如是人莫覩 乃至飛禽走戰聲

女聲童男童女聲

雲雷震吼海潮聲

衆生各各悉能知 各各聞於自性聲

以廣大辯無礙知

江河各出廣大聲

世間娛樂妙音聲

如來法海甚希有

能攝一切諸衆海

海得妙寶水無盡

江河競澍復不增

由如一切世間海

定慧解脫福無盡

智智出生諸功德

得福功德亦不增

娑訶羅龍能自在

從下往詣化樂天

廣布慈雲四大洲

無數種種而莊嚴

化樂天中闇浮名

現雲普偏衆妙色

或變紅珠光晃耀

觀史多天金雪色

焰摩天中吠琉璃

忉利天中瑠璃藏

四大王天水精色

金剛堅固海雲色

緊那羅宮香發越

龍王宮中蓮華色

堅守大力烏黑色

阿修羅宮山石色

上妙金光陽焰色

異域他州種種嚴

瞻部洲中青碧色

雲色各各隨洲變

化樂天中現金雲

猶如閃電日光色

妙色等同清淨月

觀史多天紫金色

焰摩天中金雪同

忉利天中瑠璃色

四大王天水精色

金剛堅固海雲色

緊那羅宮香充滿

龍王宮中蓮華色

堅守大力烏黑色

阿修羅宮鐵山色

上妙清淨摩尼照

種種差別而莊嚴

瞻部洲中月摩尼

電光所至亦如雲

化樂天與梵王天

同現鼓聲悉周徧

觀史多天雅樂聲

焰摩宮中天女聲

四大王天乾達縛

山相擊聲海潮聲

緊那羅笛俱掣聲

龍宮迦陵頻伽聲

堅守宮中龍女聲

修羅宮中琴瑟聲 人聲樂聲笙簧聲
化樂天中天妙香 雨華種種而莊嚴
妙摩尼月妙月中 曼陀華鬘及塗香
覩史多天摩尼色 種種妙寶衆嚴飾
如月光明摩尼髻 繢紛亂雨金色衣
種種幢旛及寶蓋 嚴持塗香妙華鬘
金色真珠紅色衣 焰摩天中恒時雨
忉利天中如意珠 塗香栴檀及沉水
功姑摩藥天妙鬘 香水及雨衆妙華
珍異飲食增長力 得香美味貌熙怡

殊特妙寶不思議 雨四天王及龍宮
雨於大海能堅牢 如是無量無有盡
庫藏無盡甚廣大 恒雨無邊勝妙寶
妙衣莊嚴彼充滿 又雨珠香末利香
或作雅妙琴瑟聲 緊那羅女雨瓔珞
龍宮恒雨紅色珠 堅牢光明摩尼寶
破壞冤家弓敏捷 修羅宮中雨劖戟
無價瓔珞令彼安 雨鬘末種瞻波迦
雨於清淨俱闌擎 更雨種種妙燈光
闍浮提人皆歡喜 復能興樂妙法雨

華樹果樹及香樹

天妙衆物安世間

如是難思雲莊嚴

霹靂雷聲雨莊嚴

如是龍變難思議

彼恒住於大海水

龍現變化上難思

若入法海功德中

無邊變化非測量

此義譬喻說少分

如是說彼調御師

此勇猛智離譬喻

若此現住解脫門

說此解脫爲最上

廣大微妙無上意

得未曾有真實意

如是勝上甚深意

是法難行甚希有

世間所有行行人

若聞最上解脫已

世間恭敬而稱讚

衆生身道難得聞

如是此法能尊重

若能作福獲安樂

自他因力而恭敬

彼於人間離疑惑

聲聞乘中不生疑

辟支佛乘亦復然

彼復不疑衆多乘

住彼大乘未爲難

恭敬此經甚難得

云何讀誦而受持

若住此法云何行

假使三千山及海

盡未來劫而頂戴

如是勤苦未爲難

恭敬此經甚爲難

三千微塵等衆生

一一於前經劫住

如是勝福未爲難

信此經者甚爲難

假使十刹山及海

如此而能掌中持

如是勤苦未爲難

恭敬此經甚難得

十刹微塵等衆生

一一面前經劫住

最勝福報未爲難

信此經者甚難得

十刹微塵等如來

一一經劫面前住

若於此法讀誦持

勝前功德阿彌多

如來開此解脫門

若於十方一切剎

悉能降伏魔王宮

導引無罪悉安隱

若諸十方仁師子

彼從口中現一切

舒手安於頭頂上

無邊功德普吉祥

一切如來口中出

一如來以手摩其頂

解脫法門應善說

汝等應當廣流布

勿令此法而斷絕

世尊佛說此伽他

說已默然而寂住

爾時三千大千世界一切諸天及諸人民海會聖衆

同作是言此是如來第二會轉此法輪讚言善哉善

哉說世尊希有希有成等過去未曾聞說如是正法

若有衆生聞此正法甚爲希有卽得不生貧窮下賤之家心得平等由如供養恭敬衆多如來是諸衆生展轉相教如佛塔廟彼衆生天上人間魔王眷屬

彼不能害若諸人天在家出家是諸國王及諸大臣長者宰官亦不能害是時尊者須菩提白佛言世尊希有如來云何得此如是寶光明經正法行於世間此衆經中寶皆是如來威神力故出現世間復次是諸衆生得聞是法亦是如來威神力故爾時世尊復開金口告尊者阿難言汝當受持阿難如是正法勤心精進受持讀誦是時尊者阿難遠佛三市而作是言世尊我當受持如是正法永不忘失佛說此經已一切聖衆菩薩普賢菩薩妙吉祥童子尊者舍利弗等諸大聲聞天人阿修羅乾達囉等聞佛所說皆大

歡喜頂禮而去

大方廣總持寶光明經卷第五

音釋

廣古猛切 惡也 **愕**五各切 惊據也 **兜鍪**兜當侯切 駕莫浮

切肩條土刀切 編纏也 **札**側八切 **簧**胡光切 笙管中金薄牒也

膊也

十箇

該銀二兩五錢四分正

伏願

休邑比丘智洪 正道全助刻
大方廣總持寶光明經卷第五 計字五千八
座根頓淨佛果早圓大地衆生同登覺岸
龍山釋海瓊對
崇禎六年孟春月徑山化城寺識



6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

ノノ月采十日ノ月采十日

ノノ

ノノ

音釋
大衣寶珠寶光明無能王
燭喜貢斷而去

猶
土
人
黃
中
金
萬
管
茎
管
首
雖
齒
正
各
興
興
當
莫
耶
谷

七
四十八